

## **Diretrizes (Guiaun) foun atu ajuda empregadór sira apoiu família sira durante COVID-19 ne'e.**

Guiaun foun husi Organizasaun Internasionál ba Traballu (OIT) no husi Fundu husi Nasoens Unidas ba Labarik sira (UNICEF) husu ba empresa sira atu halo liu tan hodi apoiu família traballadór sira durante pandemia ne'e.

Orientasaun preliminar husu ba empregadór sira atu konsidera impaktu husi desizaun negósiu sira ba família traballadór sira nian, no fó apoiu bo'ot liu tan ba protesaun sosial wainhira posível. Apoiu extra, prinsipalmente ba sira ne'ebé simu osan ki'ik, ne'e esencial atu minimiza consequéncia negativu sira husi surtu ne'e ba traballadór sira, empregadór sira, sira hotu nia família no labarik sira.

Diretrizes (Guiaun) preliminar ba empregadór sira inklui:

- Monitoriza no obedese konsellu nasionál sira husi autoridade lokál no nasionál sira no komuniká fali ba traballadór sira.
- Reviza ka update polisia/regras servisu fatin nian ne'ebé eziste hodi garante apoiu ne'ebé suficiente ba traballadór no sira nia família sira.
- Obedese ka tuir prátika diak sira wainhira implementa política/regra sira bazeia ba diálogu sosial, lei traballadór nasionál sira no padraun internasionál ba traballu.
- Kombate diskriminasaun no estigma sosial iha traballu ho maneira apoiu treinamentu, no mekanismu keixa ne'ebé confidencial no seguru.
- Adopta akordus servisu ne'ebé amigável ba família atu fó traballadór sira liberdade no flexibilidade bo'ot liu tan hodi realiza sira nia servisu.
- Fó apoiu ba parenti sira ne'ebé servisu ho opsaun ba assisténsia haré sira nia oan, no garante katak servisu haré labarik ne'e servisu ne'ebé iha qualidade.
- Haforsa medidas ba seguransa servisu no saúde, inklui ho orientasaun no treinamentu em relasaun ho seguransa servisu, saúde hijiene.
- Enkoraja traballadór sira atu hetan atendimentu médiku ne'ebé adekuaudu no fó apoiu ba funcionáriu sira hosoru ho estresse.
- Fó apoiu ba medidas protesaun sosial husi governamental sira, aliña ho “Convenção de Segurança Social (Padrões Mínimos) da OIT, 1952 (nº 102)” no “a Recomendação nº 202 dos Pisos de Proteção Social da OIT”. Ne'e bele inklui subsídiu ba traballadór sira atu asesu ba saúde, desempregu no seguru ba inkapasidade atu servisu , protesaun maternidade, no tenki estende to'o ba traballadór sira ne'ebé iha ekonómia informál.